

博

趣

齋

藁

博趣齋藁卷第一

都察院右副都御史虎谷王雲鳳應韶著

登秦嶺賦

我登秦嶺之巔撫清風之冷然雲飄飄以翼予兮攀
長松而繫馬覽千里於咫尺兮萬山累累而在下野
老導予以前路兮曰此韓子之遺蹤望翠巘之片石
兮得夫子之幽宮世皆與偃蹇而婢匄兮予有丈
夫氣安得不窮直諫自古不容於朝兮又何問家於
湘之童蒙歷炎海之瘴厲兮奄歲月其既老胡生還
而益壯兮塞胷中之浩浩塞悃諒之蹈歎巖兮何不

改路以嚔呪屈原葬於魚腹兮今之智者笑之吾將
剪彩霞以為裳兮結長虹而為綬櫺洞庭以為褱兮
種千頃之蘭蕙以為糗愁猿吟兮石泉鳴九頓首兮
公之堂薜予懷之極悲兮予亦不自知其何情退而
讀公之文兮夜爛爛乎其有光

渡黃河賦

造化剖胎混沌開函黑水流濟崑崙嶠巖乃有百泉
星聚以下列九派虹分而可躋忽茫洲洶湧稟中央
之正色兮飛下萬仞之重鼎滌成蕩狄兮望神州而
南驚採雍貫豫兮上擁磧石之澤下吞滄海之賦腹

漳東西衝突南北蓋不知其幾千萬折謂之千里而
一曲者乃其大凡時或帶雨以奔怒齧崇崖而肆饒
渺平原兮曾不一瞬渠深如谷兮岸突如巖聲若逸
雷之將擊勢如怒兵之鼓儼河伯踴躍兮蛟龍嘯舞
濁濤巨浪不啻日浴而天衝野老稚子號顧以遁走
兮壯夫健婦爭持敝番荷長戈峻隄忽亘以百里兮
林空山靜曾未惜半合抱之松杉慨何代不罹此患
兮豈水德之匪仁抑上帝之降災兮而吾未有平辜
誠何艱茲辰汴隄決緘千村萬落如刮如芟天子震
怒乃責守監何獻策之紛紛兮曾不異乎燕語之昵

嘯匪順下而陣塞兮斯又絲之槍撓民脂膏兮竹石
組百文兮落械溘瀑漚兮一芥總疲瘡兮譙譙鬱里
閭之嘯嘯兮望天閭於霄漢功代之轟轟兮輦西
山之珉珉我扣舷兮太息但見漁人舟子天際掛一
葉之輕帆欲訴真宰何辜兮蒼生安得神巫起鄭之
咸

芸閣辭

四品先生芸閣書院為僧所據
今逐之有土洞相傳為舊物

空山兮獨行石澗兮泉鳴思古人兮渺何所得芸閣
兮嘉名嘉名兮芸閣有宋之昌兮四賢作有德兮有
功有言兮惠我後學歲月幾時兮子孫無餘墓木喬

兮屋丘墟縑衣之人兮何為者據其勝兮窟以廬原
慚兮谷耻我徘徊兮悵無已珠還浦兮壁脫秦告萬
世兮曰此呂氏之故里

登定州浮屠

噫何物哉此突兀欲尋歲月無殘碣挽衣直上風轉
急秉燭導前足頻蹶徙倚絕頂一縱目西指華岳東
溟渤戰場慘悽燕趙韓海烟昏靄閩吳越身輕欲與
雲共飛首昂恐觸天為窟摩挲敗墨看舊題今人古
人總飄忽登下旋蛄出殼仰視長空見明月

過順德望虎谷山

攬吾纓兮登彼崇丘望太行兮駿風兩眸山俗俗兮
盤盤鬱鬱木上飛雲兮下虎谷大陸曠兮漳水淺清我
心夷猶兮我馬悲鳴

元城縣過劉忠定公故里

我沿衛水尋荒丘斷碑殘碣不可求狐兔竄莽鳥鳴
樹但覺凜冽清風颭劉公忠孝人姦諛視如讎一言
再拜謝司馬不妄之戒到白頭浩氣剛大日以長大
塞天地不盈杯身然諫官恐累母拍生報國母能許
明目張膽人中龍面折廷諍殿上虎君實既死群賢
凋鐵漢鐵漢氣益其小吏持書誰遣汝聞之大笑火

雲漢國家棄賢如敝屣劉公遠竄固應死判官嘔血
二十里天遣生還非偶耳

貴鄉謚大名縣即古貴鄉

貴鄉草春榮秋枯不自保貴鄉民公來活我公去貧
我有慈母奪者誰老翁相逐嬰兒啼君不見今之官
長推不去迎得新來又如故

青陵臺在封丘

青陵臺何崔嵬妾心以爲夫婿死蛾眉肯向君王開
地下幽魂相對語搥頭嬌鳥求其侶祇今名姓記韓
憑高臺何處是青陵

朱先鎮嘆

康王慣鼓江上柁中原赤子號欲絕岳侯腕上三尺
鐵淋漓盡是胡兒血羽扇遙揮汴水腥鐵騎欲蹴黃
龍穴滄海忽送敵兵至巧遁潛遁皆浪說登之廟堂
曾不疑一言惑主驚豪傑亦有秦州無賴兒濟惡諛
姦肆媒孽誤國竟成二五耦兩河諸將怒目西魏公
本是忌疾徒口誦詩書真假竊異域自壞噤不言一
棹空江謀已拙平生怕讀岳侯傳雙淚沾襟氣哽咽
侯性忠孝未識權亦膚有字空盈刀注金牌使者疾如
飛昊天亦為愁雲結十年一日理甚明兵機至重

命輕將軍出閫古有說忍聞處處號啼聲
郾城去京百餘里一鼓入城旦暮耳
而掃宮廷表請死孤旅成
功帝應喜安能俯首就縲紲却待愁民五日徙

洛陽嘆

李花白
堯花紅
蜂來蝶去春匆匆
堯花紅
李花白
幾日東風好
顏色東風顏色不長好
昨日少年今已老
漢陵唐塚何累累
行人愁行洛陽道
洛陽道上行人愁
愁時雙上鳥
邊樓伊水年年白
浪湧高山日日紫
烟浮風景不隨塵
世改古人名姓幾
人在英雄有志
莫浪消天下蒼生
正相待

登孟津看河樓

崇閣臨顛崖，決皆騁遙望。一渠崑崙蜀，澎湃正東向。
馮夷御長風，高嘯鼓層浪。深剖后土脂，苦塞禹門吭。
湫隘者誰子，見之膽欲喪。孟氏善觀水，子亦在川上。
我今俯雄濤，徒倚却惆悵。天命運不已，人心此其狀。
終食一違仁，便與天非伉。所以諄諄言，如求鷄犬放。
守之曰敬直，勿助仍勿忘。仁苟至于熟，水勢長溶漾。
方寸有河流，滔滔不可障。

謁許文正公墓

君子懷明德，悠悠在林泉。直冒澤被一世，乃其道之全。

貞女必有行良農必有田是為兼體用出處非偶然
孔孟平生事未免缺不完彩鳳生亂世秘青不肯宣
君者網羅之北向始一翻伐國爾擾擾拯民吾惓惓
一語苟不合朝辭夕已還再召而再起侃侃書五篇
惜哉讒口至大位不付賢遂使禮樂區浸蕩皆腥膻
鼎彝不勒功勲業萬世傳程朱骨未冷世已絕微言
况復禁錮餘學者迷而顛先生獨何受自得之遺編
敏求與篤行二者曾未偏揭此紙上陳昭如日月懸
縻縻吾道脉既絕復以聯我来覓荒塚徘徊不能前
謁比于墓在衛輝

殷衰周熾微夫箕奴獨夫罔聞酣淫以娛天命有赫
西土之孤死諍臣職不避確鉄庶幾惻我君王改途
求仁得仁何怨心剗死彼崇立暮雨春燕有客南來
載瞻載趨摩挲石刻立馬斯須淒淒野風鼓樹以呼
帳望朝歌予懷鬱紆

博學齋叢卷第二

古詩

銅雀臺 在臨漳縣

我土於鄴城道忽憶銅雀臺臺中之主人一去不復回
主人當途高逆氣一何健餘狂不自禁翠翹三十萬
日日長歌舞玉竿照瓊筵錦殿春溶漾綺窓月嬋娟
西陵七十塚白晝妖狐踞蘆荻漳水秋不見歌舞處
白鳥四五來翩然飛且鳴行人發清商遠歌如哭聲
野翫向我言物豈有長好况此亂世雄遺跡不如掃
土花蝕殘瓦價重珊瑚枝巧匠鑿古硯舉世嗟嘆之

南望金谷園北望邯鄲樓
蔓蔓連宿草漠漠晚烟浮
登黃榆嶺

厚坤忽擁太行脊上倚青天繞一尺地凝餘滓蕩水
痕我憶乾坤始開闢誰鑿萬朵玉芙蓉蒼壁丹崖太
古色雄根西與崑崙連爽氣東堪泰岳敵上有大橋
之寒松下有礫磊之恠石瀑布直下三千丈長虹偃
蹇明以擲萬壑晴見雲氣流六月時有冰花積幽龍
往往淵底眠頃刻飛去曳雲黑鳴泉汨汨出翠微一
泓不動琉璃碧絕憐赤鳥巢巖幽忽驚斑獸伏林隙
層巒迴岫咫尺間恍惚曲磴失南北仰窺巖嶮心骨

鷲俯轍 銛銛毛髮立馬啼跼蹐不敢馳聳耳長鳴如
有識左 右應接且徐步一一異態看不暇嗟我平生
愛肥遯 利名不治烟霞癖見此喜極成踴躍安得長
風駕西 腋摩挲絕頂縱雙目一覩方圓天地窄堪巖
欲討幽 人居白鶴時見飛來隻何日買田耕紫烟閒
看雲霞 殷朝復夕

泊虎谷

我本山 林性誤遊入塵埃弱冠別里閑十年始一來
家人聞 我至促灑床頭醅父老見我喜相顧忽以哀
自言老 未死死者在哉離間過炙鷄山色映尊壘

隣翁曳杖至傾倒盡餘杯但知醉為慰呌咤不相猜
飲罷出柴門遊戲陟崔嵬崗巒盛松柏瞻眺久徘徊
何時不復去浩歌心肝摧

鴈南飛

鴈南飛鴈南飛鴈何之望君君不見見鴈增我悲獨立
西風省鴈飛金臺風冷遊人稀秘光欲盡胡不歸

白雲閣

梯不
能登

千尋高閣雙眼登眉尾一瞥青天小天旋地底海水
濕寒氣淋漓一吞飽狂飈捲土作霧黃白日走傍西
山君月中爽氣十萬斛我欲嘆之雨八方是時
大旱

青天橫帶西山繞，厚地銜杯東海小。
蓬萊一鶴忽飛來，我欲跨之飯鶴飽。
赤手挽世爲羲黃，洞中童子愁

眉愁眉蒼蒼。笑童子我有丹丘不死方。
獨倚空秋氣早，欄干迥立青童小。
道人何處杖竹來，獨坐石階食菊飽。
丹砂誰煉幻與黃，豈有兩翼摩青蒼。
市城不是尋仙處，蓬萊山高在何方。

我我石櫃山有枸杞頌浙中施母也 二章

我我石櫃於越之望，載環載抱惟施之鄉。
惟施壽母惟山斯久，有子此離豈無旨酒。
豈無茅昆，曷不欣欣安得出遊。
逐彼飛雲，曷羽翼置我兩腋，逐彼飛雲。

我心則懌

山有枸杞水有菊英以飲以食壽考以寧瞻彼楓山
鬱鬱朝夕乃降厥靈值者其或如金如石如松如栢
惟施壽母自求多福彩衣僊僊以鼓以絃惟施壽母
象服百年

思德華

秋夜長如年秋月涼如水思君不可見心到秋江裏
送和順教諭張先生復除之永寧

先生乃關中之儒而來余太行之隅予聞太壑寶吞
舟巨鱗之宅曲徑豈逐電神駒之途先生曰不然吾

書何處不可讀吾樂何者非吾徒乃須學昇之類乃
鼓鑄顏之鑪於是諸生莫不詩書而醉矩墨而趨如
彼暖氣之將至不覺其入已之肌膚則來就載不相
見忽漫相逢觸熱又南徂河洛古稱佳麗地更多賢
俊生其區先生宦遊何所拘一生山水與身俱自昔
儒官非俗吏祇今師道應時須雨後芹香浮淨几春
暮歌聲連舞雩大道陶冶無棄物譬諸草木人人殊
胡公遺跡尚未沒棟梁棟桷歌屬吾

沐頭

一月不沐頭髮根行巨虱漢業數百年刑臣宜爾出

題安行之藏菴圖

澗壑得其窈窕松栢鬱以蒼蒼石為垣兮茅為屋君
獨往兮徜徉山如迎我兮水為我歌嘯我坐讀書兮
起而吟眺此樂兮世莫我知白雲之外兮廊廟

古意

中夜有所思所思君不知春風吹柔草秋風摧霜枝
所以別離人悠悠負心期別離非所惜年華難再得
只恐君來時妾已無顏色妾已無顏色君寧無歎息

九日次陶翁韻

茲晨良有道乃在寒溫交悠然庭除間黃花獨後彫

采采盈懷袖駕言登彼高群芳盡消歇鷹隼遊青霄
物性因時至斯人何苦勞夕景歲山氣感茲心煩焦
雖無送酒人村沽亦陶陶醉臥忘千古醉醒是來朝

謁孟廟

朝行渡泗水路出大賢邦大賢不可見幽廟古木蒼
回首見泰山彷彿神昭彰桂花落千載餘草安有芳
卓哉閩洛子導塞流乃長哀哉此誰氏失路而彷徨
登江浦五里崗望南京憶亮之諸友

回首五里岡鬱鬱見舊京祥雲覆其地青山繞其城
我昔曾一遊正值秋風生古寺題詩處尊壘盡日傾

此日長江水何如遊子情日暮山雲起遲遲獨趨程

贈兗州李通判穎平道人

吾邦有奇士朴朴太古風官居黃堂上心同白屋中
妻孥亦不怨衣食長不充似此百年心周公亦當窮
斯世有斯人孰鞭願相從

送林居魯歸閩

海濱有奇士敝衣食無餘偶隨群鳳起

帝鄉曳華裾神鯤懷遠志固異夫虫魚世事多紛更
雖然獨愁予言之每揮淚伏闕三上書平生山水性
塵埃非我居顧瞻閩南雲往往賦歸與一封達九重

臣母父倚間各囊無所有載之書盈車歸哉林夫子
歸去尋故廬臨岐何以贈執手一欷歔

懷麓堂卷第三

古詩

文宗巖為慶雲令名森

文子吾愛之萬壑冰一段宵中千古歲不數秦與漢
昔者始相逢怡然一笑粲臥病寄館人瘦骨衆所嘆
乞歸今重来忽驚三載半憐君脫困厄頗覺好體幹
天子念宰牧失道而民散不有濟時才嗚呼其塗炭
勞子以小邑低飛戢高翰振袂出東門行色殊行行
春風吹槁木雲霓慰大旱田舍無犬驚簿書隨手判
暇時更何為翻書日推案新詩欲寄誰長吟或至肝

莫作歸來篇歌聲聽民謠

楊君謙以病棄官歸吳

人生各有志適意未為偏仕有為親出官有潔身捐
賤夫比蠶蠅利祿如腥羶譬彼大鵬運燕雀亦翩翩
仰視驚長風反謂何必然揚子天下獨肖抱百家編
超然達士懷不受浮榮牽旅燕註莊子歸吳續馬遷
夙心苟云遂萬鍾曾一錢君哉茲長往託身在雲烟
躡雲躡於山看月吟於泉山雲與泉月此味世不傳
君盛有餘甘我願亦垂涎便欲隨吾去再拜君其先

李天瑞論事遠謫冬月渡河水臨而沒二首

鳴鴈自南來，惠風柔且和。羨彼嚶嚶鳥，綠陰來往過。
出門覓徒侶，日晏獨行歌。念我同心人，一生愁苦多。
憤世欲速死，恃天強渡河。河水忽爾裂，天意竟如何。

又

睠彼湖上山，松柏在其端。下有塚累累，行人傷心肝。
流光催人老，坐使彫朱顏。朱門臨廣陌，大蓋紛鳴鑾。
珠簾映紅燭，清霄歌未殘。高堂有鐘鼓，胡為守幽閒。
志士懷百憂，十日不一歡。所憂在何事，非為一身安。
志違身亦死，令人坐長歎。不如飲美酒，與衆共遊般。
遊般非盛德，去上首陽巔。

寄德華

有客扣我門手持江上蘭
感君敦宿好贈我向燕山
歲之芳馥發開篋時一看
紉以終身佩雜以蕙與荃
磁罇本同氣觀者良永嘆

送李惟正

送君登樓君莫苦辭登樓
可以望遠見海樹之參差
樓頭日欲暮挽衣君不住
年少歡娛得幾時明日登
樓知是誰君不見樓前流
水雙鳬鴈一有風波忽飛
散鳬鴈只在長流水我與
君隔動千里君飲酒須乾
君有懷須展君醉我心歡
莫向壺中問深淺君若醉

時我送君扶君跨馬東流津君如不醉酒先無我解
春衣還典酤胡為戚戚懷往路此別東風又一度

送陶膺

我皇御極起漁樵物色江湖使者勞何人穩卧雲
烟窟自古徵君慣姓陶雙足不離海西岸竹石與居
鷗與伴鶴書吏捧到柴門苦恨姓名遠通漢既而乃
曰吾往哉豈甘腐朽同蒿萊天曹老臣能愛士進之
天子築金臺枳棘不是鳳棲處誰遣使辭九重去百
花原上一回首咫尺長安隔烟霧亦有江西蕭子鵬
二人都下最知名草莽遇時蓋如此不須浪賦鍾山

英君視此官輕一棄我惜君才殊未愜國家用賢有
故事濟川待汝來舟楫

、送紫園山人歸山山人能詩每夢與李白遊

紫園山湧千尋碧處處雲霞老松柏澗底春逢石乳
垂洞中時見仙翁奕若能遊之不憚遠夢中談者仿
彿李姓而名白仰攀日月明俯瞰天地窄樂莫樂兮
茲遊至今瞻眺情無極君停雕鞍我歌紫園柳線垂
隄綠堯花映水丹我歌紫園君停雕鞍君歸兮浩浩
我愁兮漫漫望紫園兮曾不咫尺太行崔嵬兮羊腸
艱仙翁袖有餐霞編欲往從之凡何年安得與君跨

兩鶴山頭長誦逍遙篇茲行若見謫仙語謫仙授子
以仙譜授仙譜傳仙訣春鴈來時寄我來莫待長安
飄素雪

邵國賢生女

國賢生女感其眉曰我情如下第時明之得男玉樹
姿是日吾題竹石詩贈以嘉兆亦太奇靜夫春已夢
熊羆乃言不怨得子遲但願不驚離與雌此言甚厚
天所僖蚌珠看爾光陸離東之受方於秘醫五載不
效意未衰曰將改歲以為期希大曾令甲子推三十
有三當有兒嗟予舊為國賢嗤今也同路相追隨生

男莫喜女莫悲吾脩吾德吾何知

送李茂卿歸分體得歌

茂卿茂卿古人徒小樓謝客長跼跼苦為愛憎憎髮
鬢每因看月恠形污賣馬不踏長安陌衙吏呼之聽
若無我聞急往訊其故野服已作山翁癯對榻無言
三嘆息曰吾已決君何須手持短疏奏天子臣有痼
疾臣非誣烟雲丘壑乃良藥歸向湖南此可圖棄官
一身嬾屬我有似猿鳥脫樊籠空囊貯書凡幾冊長
往從教世笑迂郢曲知音古亦少楚狂高韻今不孤
姜子邀賓晚同餞飲罷餘情還續繼莫惜尊前慷慨

此時分手何時面
蕭蕭木葉隨霜風
繞庭忽已黑
河轉愧我欲贈無所言
但道細讀腰翁傳

博趣齋集卷第四

古詩

割股歌為金陵陸孝子作

堂上慈顏臥中感巫媼醫師坐無策夢裏分明神語
人有藥愈疾求難獲陸郎年纔十八餘篤孝生來世
無敵大恩可報身亦捐寸心欲死肉何惜霜刀落手
股不驚赤血滿盂天為惻盂羹入口脫沉痾甘似蓬
萊吸雲夜一體元知氣自通二儀可信誠堪格母身
已不用人扶何妨兒股行無力瘡痂未滅母莫捫只
恐老淚雙沾臆

贈馬汝礪

困敦之歲青蠅作至今蹤跡猶漂泊長安偶得握手
談每道君恩元不薄直道何妨遭譴責利器真湏遇
盤錯辛勤數載憶郎曹顧我無媿心亦樂境有青山
地最佳座向黃堂官未惡郡倅宰相之階梯呂公素
抱匡時畧君今年纔三十餘社稷人民豈非學願君
長佩明月珠丈夫不在高官爵

鍾山人畫為呂黃門題

山人運筆如運帚造化乃在山人手墨花點綴須臾
間萬態本無忽真有沆瀣頻驚江漢翻微茫初訝軋

坤剖山勢遠近爭龍從物象濃纖漫紛揉繁烟猛霧
咫尺迷獨跨蹇驢者誰某岡頭孤起村酒帘橋上雙
來茅簷斜帆裊裊負晚風浩蕩去訪滄波友禿櫓
槎牙根欲浮短松慘裂枝相糾野亭突岸利於鋒澗
水眠石大如斗作者有妙直自知畫師墨客啼而走
豈是東海蓬萊圖島嶼輕壓洪濤扶不然何以雲模
糊中有童子兩兩趨使人望之愛欲呼我昔曾登泰
山頂又登金山之鵲嶺萬里俯視杳靄中爽氣清嵐
心骨冷呂君向我彼此幅宿興何時得再騁欲選何
處山最高攜手一登看塵境

哀婁先生諒

我生未得登公門讀公之書思其人學道不知老將
至書有古人所未云義畫周圖如指掌分明夢寐遊
關閩世間何物動懷抱富貴輕如隴上雲白沙定山
不相讓康齋凜凜還同倫祗今誰掃白鹿榻吾將一
慟悲斯文

先生曾讀
書白鹿洞

走筆題本大畫

本大號前峯南行稿西涯詩
也本大許借予觀而又發

五年不踏江南道賴有西湖恣幽討西湖信美遊無
舟寂寞湖心蓮未初忽見江南一幅好其高者山低
者島不辨江花與江草婆娑江樹幾株老一舟獨繫

傍沙渚坐釣者誰其顛皓朝來豈是食魚飽竿絲依
依波瀨瀨醉後一尊猶未倒清風似解撩幽人雙鬢
之間來稍稍前峯先生每好奇得此歲之頗珍寶却
嘆事有不相當題詩為憐南行稿

題壽石圖為陳都憲作

陳公以陝西布政陞河南巡撫

鬼我太華之巔石飛向河洛如立壁乾坤是日走風
雲千尋勢歛纔盈尺屹立已作江流砥遠貢還為漢
宮礪吞吐雲氣雨下土沐越秦揚公據皆歷無間隔乃
知至靜有神化倏忽何曾假聲色媧皇向天補罅漏
昆吾作劍驅妖僻春晴拂拂飽烟嵐歲久森森伴松

栢老父未作濟北黃道人正臥金華白我歌遙壽烏
臺仙蓬萊客為重託曆

送嚴西安滿歸

鳴鳳遺音久空杳長安近數嚴京兆術精幾聽吏為
愁心勞更說民初飽漢人文米誰為兒蜀守清風此
亦趙耽吟似得山川助讀書未覺文移擾廊廟才姑
郡邑中鶴鸞姿在風塵表歲歲優有身史旌上上已
奏天曹考仕轍萬里不待言德業古人是吾禱

題蕭凌漢攀臥圖

東方未明車已膏使者登堂宣急詔遲遲出郭牛呼

羣草衣竹馬來童髦挽侯不住啼而蹈或攀其後臥
其前侯之去兮誰吾天安能來者如侯賢我獨撫圖
長太息民牧應多為赧然

永思堂為某郎中作

永思堂朝出暮歸空悲傷堂上親不可見兒有祿誰
與共享斟酌仰視昊天茫茫九泉二人何時忘君王
恩恩無疆吳綾七尺天語香雙眼欲讀淚不明慙秘
以玉匣藏

和畢宗仁東風惡

東風惡東風不惡誰將我畫梁燕泥吹落雙燕雙雙

不肯住珠簾綉戶春寂寞春寂寞君不歸春衫未換
君何衣誰遣君食君無苦飢妾在空閨空自悲

平蕪晚望閨大衆分題

東郊支願西郊倚技渭水秦川無限情心在無懷葛
天上山禽野鳥飛來時秦宮漢殿何處基只有鷓鴣
舊禾黍年年歲歲使人悲

題一拙竹贈樊僉憲舜舉

一拙先生造化隨時天真貯腹偶然潑灑雲一斛千
竿萬竿秋聳聳青鸞彩鳳飛相逐瀟湘兩岸崑崙谷
婀娜柔枝裊似旌參差新笋角如犢爽氣淋漓過者

寒氷聲鏗戛聞之肅磊砢惟教石作朋
娑娑更借雲爲座君於何處得此幅
暇裏時時出之讀我亦從來好此君
每一展玩三薰沐相期共到歲寒時
惡雪猛風來看竹

西湖載酒以下三首俱爲陳都憲作

有名世所傳有懷人不識胡爲乎一官
華顛繫而縶西有湖兮湖之西雲之隈
兮鷗之棲我將買舟兮載酒左續石亮
兮提携酒酣霞彩生肩尾塵寰小入雙
瞳裏達人何曾戀金紫一掉更走東海
水

南山舒嘯

阮籍好哭杜陵叫孫楚慣鳴李白笑人各有志那得
知南山之人欲長嘯一嘯摩礪乎高空仙翁閉戶東
海東癡雲破碎老山裂振為雷電引為風此聲吾待
一出口抑塞胃懷為之剖黃鍾深秘不易發折竹撞
金亦何有

瑞巖放鶴

朝放鶴暮放鶴放鶴去不返雙翅翀雲薄放鶴鶴早
還長鳴當面落當面落不可籠背有丹丘紫瞳之老
翁老翁鶴背不肯下揖我告我將乘萬里之剛風乘
剛風飲玄露回首塵埃厭一顧塵埃一顧何渺然度

盡千年與萬年子亥未開汎汎竅我遊其間徃復還
後天不老生其前

竹為李時升題

世上紅紫曾不顧日日坐對江南趣是誰霜尖掃墨
花奪取造化歸纖素鑒得惟石湖之幽湖若有神神
亦愁寒擁蒼鱗千疊浪書滴清嵐萬頃秋上有數竿
直如指縹緲一枝墮還起青燐滄海珊瑚鉤彩弄丹
山鳳凰尾我今見此雙眼新風塵騎馬是何人秋來
明月當空夜欲向瀟湘踏綠雲

博趣齋藁卷第五

古詩

題淨拭軒為靜夫作

柳灣之灣灣最幽幽人開軒占一湫池清水汲長江
裏磯古石移太華頭不數短蒲蕪弱篠菱葉荷花相
對浮夜雨初收曉風靜豈有一點塵埃留幽人讀書
坐軒上我心如洗天與遊更願種松三百樹霜風時
聽鳴颼颼

送雍都憲赴宣府

太華西來合有人生平願識雍方伯方伯吾擬之士

人白頭二品居無宅仕路何心與衆趨閑戶遺編恣
研索胡兒飲馬長城窟無乃疆場坐失策璽書使者
疾如飛烏府聲名動蠻貊范老行邊賊膽寒北顧從
今憂可釋李前葉後軍旅謹亦有強公姦屏跡李勣
蘇州葉盛可間強珍先生素有濟時才此行一身須
皆宣府巡撫有聲許國成敗利鈍莫深惜天下蒼生望餘澤

題霸陵繡綵卷送用晦弟价儼舉人

山噴吭水潏潏送子千里道別易會應難酒罷更復
酌盡此杯中歡丈夫四方志未了黃鵠一舉天地小
相逢未可卜何年後夜月明夢相繞

商州道次邃庵先生山中吟韻三首

風葉蕭蕭點亂山
愁人到此一開顏
雲深日暮有柴關
稚子林間驅犢出
老翁澗底負冰還

深山無雲晝陰陰
行人歷澗還登岑
偶然有興聊一吟
道德未能裨世教
功名本自非吾心

纔登秦嶺賞未休
崎嶇又轉南山陬
好景不負平生遊
溪魚一一自來往
野禽兩兩相唱酬

贈汴梁李守一兵部關中閱馬

我昔曾遊大河濱
河流正擁秋色壯
臨風一吊千古豪
駐馬日暮增悲愴
梁園草莽夷門家
中有平臺高

百丈臺下結屋者誰氏今人古人不同讓帶酒談鋒
始發矚面目嶮巖氣排揚論治不數商周末馳志直
在唐虞上良工朴不先示人四十始聽鴻臚唱大司
馬曰此奇才置之左右資謀訪戰驕已遠踏北胡藍
牧又欲供西將先聲赫赫群吏恩闕人太僕膽俱喪
漢郊首著春正肥唐既雲錦秋相望奏功早聞聖主
褒命太史氏書其狀

贈石渠先生

有山不似太華雄有水不似黃河壯地靈合有豪傑
生石渠先生天下望論道每憂關洛墜救時只恐唐

輔

平生事業掀宇宙書之堪載竹兼兩晚出新政
天子潞公入朝君實相風采真與古人齊聲名豈但
諸公上明時元不憂彼讒直道自合生吾謗年踰八
十骸屢乞疏奏十八恩初放有詔老臣乘傳歸仍命
有司供其養官廩衙卒乃異數此

君此臣古何讓西郭誅茅二畝餘野服時時一遊漾
亭名後樂豈無意圃題三愛亦自諒匝地雲生花竹
欄一溪月照琴書帳青衿學子常滿門豪辨劇談神
逾王去聲閑戶著書盈幾箱搜盡諸儒之秘藏絲髮冊

顏恐是仙散步逍遙不須杖漢家復道起申公甘則
雲烟有辭狀後生一見一憮然世有斯人安敢行

題蘇牧羊圖

蘇卿辭漢持漢節夜半呼妻作死別雙膝誓不屈
廬飢嚼大窖十日雪胡服胡馬者何人漢天子將為
胡臣隴西萬古慚不刷徒將軟語生人嗔鴈飛不來
祇不乳度十九年一朝露白頭歸盡麒麟閣老淚雙
沾茂陵樹胡為胡婦生胡兒無乃鳥鼠同雄雌古今
大節不易數君臣大義屬蘇武

正學書院同寒泉雨中邀平臺酒半平臺門外

起遂出走筆作歌

平臺李源兵部郎中寒泉胡俾陝西按察司僉事

十日奔走一日閒他日塵霾今日雨龍公似憫宦遊
人故遣佳興助賓主雨中院景奇復奇翠倚嬾蓋竹
連枝歌聲不遺聒吾耳燭花似欲催君詩詩狂酒廢
曾有戒不飲不吟兩無賴揮吾滿壁君莫辭酌君大
斗吾始快促膝重欲理山穀掉頭忽聽門者號寒泉
老子擁髯笑平臺先生捫鼻逃歸來哀燭自嘆息恣
草堦花含雨色寒泉一榻枕書眠閉戶聽更夜岑寂

商山謁四皓祠

仲書舍人詰惟正限皓字

新祠初謁秦嶺韓古廟又訪商山皓道傍高塚雙復

雙座上遺容老真老四老相逐老此山秦皇漢祖不
能撓焚書溺冠大道隱死不願走長安道錦帳何如
草茵麗鼎食豈勝芝殮飽生兒類已作天子色愛英
雄亦草草未央宮中野鷄啼奉書急向山中禱龍準
忽驚姓名舊漢庭盡訝衣冠好楚歌楚舞動深悲戒
劉安劉詎終保嗚呼四老胡爲來畫策者誰幾喪寶
謀國自古不易言歌羅出門雲灝灝

西坡爲程文模作

看山於是看水於是看松於是看竹於是南中信多
景是惟景之美西有坡兮坡之西雲霞往往護幽棲

中有人兮獨歌嘯市客尋之路已迷

邃庵行為楊先生應寧作

庵何為者名之邃客有問予對以意長安甲第臨大道盡補翬飛瓦鱗次侯家買屋兼百家猶嫌走馬無餘地朝絃暮管隔巷聞金鞭玉轡籠街至邃庵先生半畝宮其門一間前後四最後南扉中置几左右經史兼圖記心遠自無車馬喧吏隱誰知鴻鵠志北面白首亦執經千里青衿來問字明珠在浦聲價高寶劍貯匣光銍利飄忽風塵二十春故廬今日屬何人邃庵號已在天下邵子行窩到處新新窩舊號邃則

一邃其道德功業出已聞
揅桶淑諸生又見麒麟成
萬匹我欲鑿石太華巔刻以大書紀其實

松雪馬次西涯先生韻贈邃庵先生

飛詔金陵走雙馬冠蓋盡出龍江野都憲不是尋常
選如求豫章搆大廈江頭綵鷁衝浪開津吏處處迎
船來船來船去知多少朝廷急待濟時材馬政論者
紛如市元老的見何人契東山先生識最高一疏盡
陳害與利是日帝在奉天門都憲稽首承殊恩且言
臣不敢負國歸而求之令甲存苑馬本食地所入地
半無存馬何給鐵騎墩煌至五原當年舊數皆不及

都憲入關只素衣行邊一一按封畿圉人太僕總夫
色貪饕餮印纔一揮自此馬政日以重浮議無勞更
騰湧豈惟得馬資戰征又欲崖兵藉驍勇膽氣堪提
百萬兵尋常政令嚴且精已知馬盛兵亦盛更道駒
生卒亦生公是何等之才器九重有意姑一試邊垂
鎮壓將重託廊廟謀謨留大事抵今次第成遠模俗
吏方知世有儒騷騷駟滿六院伯樂相馬忘其粗
松雪畫馬妙手極長風拂耳鼻噴息涯翁持贈非偶
然日馳萬里不須策

崆峒玄鶴壽楊總制遠庵先生

崑崙東來萬山起一峰直挿雲霄裏長松老檜往往
高百丈中有玄鶴飛來飛去世不記其幾千歲吾又
安知其飢食何粟渴飲何水玄鶴玄鶴吾聞昔者黃
帝跨汝遊蓬萊水聲風氣山崔嵬碧藕玄漿相餽遺
群仙處處洞門開帝既得道乃復跨汝迴是時天下
之民耕食鑿飲而歌曰帝力何有於我哉此後日望
玄鶴玄鶴不歸來不歸來在何處日日天涯望眼勞
料應只在崆峒住崆峒住舞蹁躑躑今日舞下崆
峒顛彩雲擁護飛霞後先天地為之闕日月為之懸
道傍觀者肩相駢玄鶴之至非偶然

過鐵山歌

山在徽川
入器陽路

曉離李白青泥嶺暮度吳玠仙人關上如綠壁蝸曳
涎下如竄莽雉束翰曾聞陰平與三峽舟車往往為
摧殘入蜀大抵無坦途此地令人毛骨寒懸崖峭壁
扼深谷枯松恠石生其間魂驚目眩人蟻附手捫足
縮成盤跚古寨白骨幾千載野翁指點咤自嘆金人
既入和尚原又報百萬開鐵山莫道河池蜀門戶要
知保蜀須長安陰風忽自遠壑起隨以急雪千萬里
行人半載衣裳單還勝樵夫凍欲死須臾雪霽雲亦
無片月當空去人咫尺趙抃元非宰相才七度過此徒

勞哉新法可罷即當罷如何却待安石來中原都無
用武地益州一隅非上計木牛流馬竟何功道險英
雄難用智吁嗟紛紛不足數我獨有懷懷杜甫携家
凍餓白水峽猶自高歌無所苦眼底榮華視如土

放舟漢江水

放舟漢江水却悲紅塵裏紅塵逐馬到處起汚我衣
裳揮不止放舟漢江水水清坐見底掬水盥手洗吾
耳洗吾目漱吾齒紅塵盡作水中萍我愛放舟漢江
水

夜過成紀見薄雲籠月吊李白

李白李白而今安在哉李白生以酒為命一日一飲
三百杯注漢水之醅於君喉未足為君醉醉來乃繫
雙眼於青天之上俯瞰四海之塵埃噓雲吐霞文章
綵縵奇花瑤草不用剪裁東溟水長元氣足雲波雪
浪天際來李白李白而今安在哉明月隱隱輕雲裏
望之宛似玉女胎李白復生矣何日乘飄風而來哉

博趣齋集卷第六

古詩

題畫春夏秋冬四首

山密近如壁茅結輕似傘一棹何處歸幽花傍簷短
空山人不到杖藜者誰氏欲問何所之濯足石下水
山中有何好纔出便歸山琴中亦何趣不向世人彈
前山後山雪豈有無雪處雪裏荷擔衣斫薪衝雪去
如蘭次西涯先生韻三首

昔同喬希大初訪老圃家退而自捫揣中夜但長嗟
再見聽高論恨無揮日戈爾來忽十載我髮亦欲皤

讀書抱群疑如身有百病今日乃幸逢欲進恐見呵
昨者數語中愛我當如何文章此先輩今更有誰他
數日不能去欲去復駐車春風一月坐此意長無涯
天子命公來已賣絳陵宅二僮遠相隨行橐如宿昔
我今亦萍蓬十年厭為客方今匈奴驕索戰狂甚劇
馬少出塞難漢兵苦征役况復民病多欲訴天關隔
公來馬日盛民亦得衣食

遂翁天下士曾讀書東觀國馬事若微此中有治亂
不見保馬者諸賢救無半帝命濟時才恩意最縷繆
整頓極心力籌畫仍夕旦我懷願見心春晚之贊鴈

和邃庵先生止酒次陶韻

達人不廢酒云胡剛欲止痛飲每傷生命在尊壘裏
所以不飲者百世慕蘇子不飲今未能少飲差可喜
眉尾得微醺纖霞天際起康節善養身飲少得燮理
嵇康耽酒徒對酒不由已彈琴且飲濁曰志願畢矣
先生道德深誰敢望津涘讀罷止酒詩斂衽如承祀

夢椿為冒東臯作

倚石而睡睡不醒其中不睡者耿耿彷彿父容如見
之醒後衣裳露華冷吁嘻東臯之心衣以思其思也
日日時時是以有夢相追隨圖而畫之安可無詩

登驪山

驪山巔兮紫烟驪山麓兮草芊芊繫馬兮登山汨汨
兮流泉泉汨汨兮清且潔我懷往事兮欲愁絕坑儒
兮種瓜浴妃子兮喪厥家

霸陵橋歌

霸陵橋上行人多霸陵橋邊石如磨霸陵橋下水如
箭頃刻南山風雨變行人下行歌且謔當年冠蓋皆
蓬蒿唐歟漢歟幾陵墓平地徃徃覆土高惟鳥西來
聲急號夜月秋風更寂寥繡嶺宮前無瓦礫宜春苑
裏草二尺田夫刈麥滿地黃日欲西斜生暝色幾度

過此長太息富貴繁華何足惜橋東旅館欲題詩橋
上不見騎驢客

溫泉

泉之溫我可以裸泉之清可以濯我可以濯我身不
可濯我心我不可使我心有塵

華山高送喬希大

壯哉太華之高兮上與青天而平分盤千里以為根
兮拔地起而無群送日月往來於左右兮斷南北之
飛雲豈蓬萊方丈之在平地兮絕凡區之塵氛鑿石
磴之層層兮垂鐵鎖之纚纚我望而欲躡其巔兮坐

長嘆而復止。騁飛步於雲端兮。好奇哉。喬子瞰黃河
於天際兮。颺一縷之悠然。泰嶽渺其何在兮。覩天地
之方圓。神翳仙子不知其安往兮。有古洞之猶傳雲
封霧鎖。書一函兮。啓而讀之。龍書鳥篆之糾纏。厭世
語之淫哇兮。想羲軒之已遠。恐美人之闕跡兮。嘆歲
年之不返。雲冉冉以前導兮。風泠泠而翼予。我欲從
此跨蒼蚪兮。與子遍遊六合。信其所如。

白巖獨登華山西峯絕頂

白巖好山如劉伶杜康之於酒。方其意會而神投。天
地萬物吾何有我。昨與之登華山入山瞳目且回首。

而又數數顧左右說山之好不離口七里初躋第一
關挽袖而前露其肘我病喘汗兩人扶君換布襪青
鞋舍我而徑走倚樹遙望午到西翠壁丹崖無覓處
滿壑長松風急吼歸來獨自宿雲臺展轉不寐猿聲
哀明日復至玉泉院日暮君始下山來只疑君與飛
仙去去掠扶桑之枝拂崑崙之樹山中一宿何所為
世人豈得知其故君笑不言口氣氤氳遙指三峯頂上
雲面帶虎豹熊羆色身染烟嵐草樹文君今又度太
行去澗水巖花花自芬請君為我細說西峯有何好
我欲登時更拉君